

Khalani ndi Makhalidwe Amene Mulungu Amasangalala Nawo (Gawo 3)

Nkhaniyi yachokera m'mutu 12 wa buku lakuti, *Kodi Baibulo Limaphunzitsa Chiyani Kwenikweni?* lomwe likupezeka pa jw.org/ny.

ZIMENE MUYENERA KUCHITA: Ganizirani mofatsa zimene mumakhulupirira ndiponso zifukwa zake. Fufuzani zimene Baibulo limaphunzitsa, kenako ganizirani mmene mungafotokozere ena zimene mumakhulupirirazo.



KODI KUYESETSA KUCHITA ZINTHU ZOSANGALATSA MULUNGU N'KOTHANDIZA?

1 GANIZIRANI MOFATSA ZIMENE MUMAKHULUPIRIRA

N'chifukwa chiyani anthu ena angayankhe kuti, ayi?

N'chifukwa chiyani anthu ena angayankhe kuti, inde?

Kodi **inuyo** mumakhulupirira zotani?

Nanga n'chifukwa chiyani mumakhulupirira zimenezo?

2

FUFUZANI ZIMENE BAIBULO LIMAPHUNZITSA

Zimene Yehova amafuna kuti tizichita n'zothandiza ife tomwe komanso n'zosavuta kuzitsatira.

(Werengani mutu 12 m'buku la *Baibulo Limaphunzitsa Chiyani*, ndime 17 mpaka 19.)

Werengani Yesaya 48:17, 18.

Kodi zimene Yehova amafuna kuti tizichita zimatithandiza bwanji?

Werengani Deuteronomo 30:11-14 ndi Salimo 103:14.

Kodi mavesiwa akusonyeza bwanji kuti Yehova safuna kuti tizichita zimene sitingakwanitse?



Chovala chikada timachivula n'kuvala choyera. Mofanana ndi zimenezi tiyenera kuvula umunthu wathu wakale n'kuvala watsopano

Tiyenera kuyesetsa kukhala ndi makhalidwe amene Mulungu amasangalala nawo.

(Werengani mutu 12 m'buku la *Baibulo Limaphunzitsa Chiyani*, ndime 20 mpaka 22.)

Werengani Aroma 12:9.

N'chifukwa chiyani sitifunikira kungopewa zimene Mulungu amadana nazo?

Werengani Akolose 3:9, 10.

Kodi tiyeneranso kuchita chiyani kuti tisangalatse Mulungu pambuyo poti 'tavula umunthu wakale'?

Kodi 'kuvala umunthu watsopano' kwakuthandizani bwanji?

3

FOTOKOZANI ZIMENE MUMAKHULUPIRIRA

WINA AKANENA KUTI...

N'zosatheka kuti munthu asinthe umunthu wake?

MUNGANENE KUTI...

Anthu ambiri akhoza kugwirizana ndi mfundo imeneyo. Koma ine ndimakhulupirira zosiyana ndi zimenezo chifukwa...

Kodi mungawerenge lemba liti kuti mumuthandize?

Kodi mungafotokoze zotani kuti munthuyo amvetse bwino lembalo?

WINA AKANENA KUTI...

Malamulo a Mulungu ndi opanikiza kwambiri.

MUNGANENE KUTI...

N'zoona kuti Mulungu anakhazikitsa malamulo oti tizitsatira. Koma ndimakhulupirira kuti malamulowa ndi othandiza chifukwa...

Kodi mungawerenge lemba liti kuti mumuthandize?

Kodi mungafotokoze zotani kuti munthuyo amvetse bwino lembalo?
